

[Augsburg], 19. Februar 1561

An Johannes Oporinus

UB Basel, Fr. Gr. I 11, fol. 240r.

Steinmann Nr. 730.

Lit.: Husner S. 156.

S. P. D. Calendis Ianuarij postremas tuas accepi 17 Nouembris datas. Vnde conijcio premi Epictetum adhuc. Quod facile patior. Nam si tibi animus est graeca latinaque coniungere (quod tui indicij est, et quidem etiamsi seorsim vtraque) iustum volumen erit in folio. Sin enchiridion iam inchoasti forma 16^{ta} ea editio scholis seruiet. Sequetur maior Bibliothecis aptior, vt 3 tomis uno volumine iungantur. Epictetus tuus esto, idemque indicio stetque tuo. Quicquid feceris probabo. Sed illud affirmanti credas velim, nec Demosthenem quidem pluris mihi constitisse, nec in vlo me opere saepius impeditum fuisse. ἵσως δὲ τὰ δύσκολα καλὰ ἔσται καίπερ μεταγενεστέρα ἡμῶν. Habes primum Epicteti tomum et quarti quadrantem. Secundum Francofordiae a nostratis Bibliopolis accipies vnā cum Simplicio tuo graeco amplius 600 locis a me emendato. In Enchiridio, Tabula Cebetis et Arriano quae emendaui aut notaui ex annotationibus meis facile adjicies tuis codicib[us] si videbitur. Habes enim opinor adhuc grammaticam Lascaris et Arrianum Scheggianum.

De Gregora id responsi tuli, vt μετὰ τῶν πολυχρύσου ἀγνωμοσύνης τὲ καὶ μικρολογίας mihi negocij quam minimum esse optem.

Bomgartnerus de Christophoro Synesio commodè loquitur. Sed et hic χρυσᾶ ἔπη μόνα deprehendo. Vltra Sauromatas καὶ τὰ λοιπὰ ἔχθρὸς γάρ moi κείνος etc.

Anno superiore Neandri quidam literas ad me misit, tibi statim reddendas. Quas in hac festinatione reperire non potui. Repertas Francofordiam mittam. Vale. Subitò. 19 Febr[uarij] 1561.

Wolfius Tuus.